

171
69
10

近藤氏藏書			
和	傳	函	類
書	記		
門			
一	八		
冊	號		

文恭先生遺事六

剛夢編

舜水文集姓名

學山錄

閑窓雜錄

紳書

先哲叢談

舜水先生外集

常陸帶

往復書案

春臺文集

向承

台諭欲延一人以為

王左右此誠好賢之盛心也然其事甚難大槩有學問

者未必曠然有域外之想而聞聲影附者又叩其中

恐如枵腹之夫徒以利動則有負

重委未必有功而反以開罪是以與天生慎之又

慎既久而後有以報

台命也唯張非文先生者與

文恭公同里鄉黨之間人咸推之常自號為客星

山人周遊天下足跡幾遍抱不事之志故弗用于



世前者海禁未弛已欲遨遊
上國顧其人多不家居四處邀之不得而今春幸遇
于吳與之道述

王之求賢盛典欣然就行亦不歸與妻孥兄弟一別竟
自同耒蓋其人翼：有古狂士之風不可以常調
拘者今已至長崎專人奉

聞至其學問淵源一席之談自能得其淺深可不贅
也仰祈詳

達臨書不勝翹切之至

賤名 單具

左 玉

外有微物因封庫未得伸
敬容遲日轉達

恭候

台 禧 眷晚生朱毓仁拜

有廿言

去冬告別又復見長崎秋色往來洋海風波不驚
此叨

盛德之所致然無以報

高厚并不能答先大父之志願疏真罪人曩者得

捧

玉函知

上公招儒納賢誠甚美舉故與表兄虞山咨之訪求

博雅得同里

張非文先生者因舍親任邃菴求見懇其東來

詳悉已載虞山書中不多贅然此人難得所

老叔詳稟

上公專候

大駕惠然則疏幸甚矣臨書不勝縷切

賤名單肅

左慎

正

謹具

金扇壹匣

磁壺壹匣

龍眼壹封

棗頭壹封

藕粉壹封

湖筆壹匣

徽墨壹匣

火腿壹蹄

奉申

晚學生朱毓仁頓首拜

菲敬

茶候

近祉

有廿言

世侄

朱姚

毓

仁江

拜

屢荷

栽培深感

大德奈雲山遥隔銘哀莫報前

和尚法駕旋薄具一芥此千里鴻毛聊表寸心耳二

十日得林通事傳諭二十一日早傳非文先生

相會冒雨進見二十二日各通事又傳會先生甫

匍趨見行日本禮無揖拜各通事即加以失禮

而去之但江沐

上公高厚之恩次叨

老叔垂青之庇數年訪求甫得先生豈肯覓一無

和尚亦我師
越師以其文將高
仰求長崎兼見
法駕旋師其回
時也

禮之徒而貶辱于
上公江負欺誑之罪乎或因當事失禮其中或少周
旋則未可知然

貴邦招賢禮之大典不可因小節而悞大體祈

老叔詳理而明察之曲陳于

上公如張先生不留則江與疏遠竄不復再至長碕

終抱不明之罪為痛耳臨楮神馳

大... 賤名單具

左 脊

恭候

台禧

有手奏

世侄 姚江全拜
朱毓仁

內函

去冬倉卒行未及書候日坐來音可以少慰此懷
不意今春早至碕陽坐候五月未蒙

明示想其中事勢大費周折故耳然目下行期甚

迫不能刻留大槩不出五月中旬晚以去年來遂

入派賣之例今年來早又復派賣船中萬餘兩親

明之貨往來在碇費用七千餘兩而貨以去其大半親朋之怨言向誰告陳數蒙

老尹垂愛殷々不得不開陳道之耳

上公大壽本當趨

祝奈因禁嚴未獲如願區々之心仰慕靡深所以與表弟天生敬脩菲儀尚貯庫未能領出倘或臨行得便即付孝才門轉達今雖開儀狀然空函一幅殊屬無禮祈

老叔後頰于

上公之前俾得

海涵于格外則幸甚耳外求得中原遺老湯先生

壽序呈獻

上公其原稿封入子平兄書內如

張先生之事從中或有可為奈迫于期又不能設

計逗留萬一掛帆歸唐之後從祈

遙示以便再圖書不盡言

名 肅

左 冲

今井小四郎老叔書

向沐

隆情惟銘刻五内耳尋正

老叔起居迪吉福祉倍增不蔡可知也傳輩之事前

大串平五郎様回 京諒以悉知張非文先生在

初二日至崎廿二日以上崖矣即任等生意之事

併社

照拂則甚佩也涯矣尚此上瀆草幸恕不恭

今井小四郎老叔姚世江全

今井小四爺書

内函

一 曾祖定寰府君

一 曾祖母金氏孺人

一 先祖楚璵府君

一 先祖母葉氏孺人

一 繼祖母陳氏孺人

一 大伯祖啓明府君

一 伯祖母邵氏孺人

一 大伯父建功

二 伯父敬武

一 二伯祖號重林茂才

無後

生先考

生先姑娘

生二子

生從兄號宏舍

一先考集之府君諱大成

先妣姚氏孺人

長男毓仁字天生

生二子長曰坤即次曰日得

次男毓德字大生生一子曰正丞

先姐保姑 外甥姚珠官

一先叔華鶴處士

一共曾祖從兄景景昭 從弟百齡號公旦

一從弟鶴齡號公輔

一大母舅姚長人 二母舅姚旭如

一表兄姚虞山 姚景峩

一妻父姚顯明

妻舅姚萬亭

一朱毓仁具

一舜水先生寄來祭銀目錄

一已未年今井小四郎殿帶來 金共廿六判

一拆銀壹佰五十六兩正 此金交澄一師父處收票

一贈小四郎殿帶回

一其內

一銀乙拾六兩五錢 己未年八月祭暈素辦卓 并

僧家念經所費通用

一銀二十兩 新唐人回唐無錢施為路費

一銀四兩八錢 已未年買復衣三件送初庄兵衛李八官王五官子三人 做冬三件 初李王三人與之

一銀六兩六錢 已未年

一銀壹拾八兩 已未年 買米九包右送三人

一銀壹十七兩 庚申年正月祭暈素辦卓僧家念經

通用所費

一銀壹拾六兩八錢 唐申三月祭右同所費

一銀三兩四錢 唐申年 買米一包復衣一件送初庄兵衛

一銀三兩一錢 唐申年 買米一包復衣一件送王五官子

一銀壹拾六兩五錢 庚申年八月祭右同所費

一銀壹拾七兩 辛酉年正月祭右同所費

一銀拾一項共結銀壹佰三十九兩七錢 除

一銀壹拾六兩三錢 存銀壹拾六兩三錢

外

代先生買各色物件目錄

一長花簾 已未年 二張 換銀三兩

一壹間花簾 二張 換銀七錢

一磁罌酒鐘 乙百個 換銀 壹兩四錢九分

一錫茶葉瓶 八個 換銀三兩四分

一唐山筋子	廿双	按銀二兩
一剪刀	二把	按銀乙錢六分
一襪筋子銀	廿雙	按銀四兩七錢六分
一茶葉瓶箱	一個	按銀二錢八分
一稻糠	二包	按銀八分 裝磁器的
一桶	四個	按銀七錢
一柿漆紙	二張	按銀乙錢六分
一磁器	一百個	按銀三兩五錢
一湯碗	乙百個	按銀一兩五錢
一粗四	乙百個	按銀六錢

一菜碗	二百個	按銀五兩
一木箱	一個	按銀二錢三分
一船錢裝到大坂		按銀三錢五分
一網中	一頂	按銀一兩四錢

右十八項共結銀貳拾七兩九錢

巳未年
 一合井小四郎殿手收過銀壹十貳兩二錢代 先生買物事
 的

一右祭祀銀所餘壹十六兩三錢
 二共銀貳拾八兩五錢

除買物事銀二十七兩九錢

實存銀六錢

上公差官北条源兵衛殿回江戸寄之奉

上一文無欠

澄一

延寶九年六月初二日

高尾兵左衛門

二十七日、登瑞龍山、山勢面東、松柏鬱蔥、土白而埴、
實土之良、為府公葬地、龜趺圭頭、研碣相列、支封之
侯亦陪葬焉。問義子境、哀其客死、展拜致敬、旁有明人朱惠與墓、嘗聞其揮行之偉、
文曰

嗚呼先生、遇中夏之亂離兮、蹈蒼海之茫茫、經南國
以問閔兮、乍入我域以彷徨、夫省菴之耿介兮、頌祿
半以克其養、豈有名聲之素慕兮、俄見德輝而煌煌、
維義公之好學兮、求賢達而遑遑、聞先生之盛德兮、
驅蒲輪以遙迎、待先生以賓師兮、率子弟講倫常、嗚
呼先生、有恢復中夏之志兮、卒埋客骨於常山之陽、

非先生之忠烈兮，胡使人垂涕以沾裳。雖無酒饌之
致，莫兮聊薦溪流以揖餘芳。尚饗祭畢兮，至石奈坂
石皆白團如卵。村童曰：阪有觀音大士，惜石有持者
者必患瘡。午後天陰風冷，時近梅天，故然。
始……不知有天妃之靈，獨水府有此祠，由朱魯璣

有酬亭編

白川居士

房龜典著

俗稱大

舜水：童子二人ツケ給ル常ニ給仕ス舜水女人ヲ愛セ
ス女童トイヘト相近ケサルカ故也
舜水名器ヲ多ク持来ニ没後數年ヲ經テ舜水ノ子長崎

来ルコトニ舜水ノ遺物多ク贈リ賜ル

春臺文集云。平安伊藤原藏致其弟及門生立碣於

其墓山内大臣銘之。八條中將書坊城中納言篆額。

昔者水戸義子輯明人朱舜水遺文而自題其名

於卷端且冠以門人二字當時以為奇事

屈公侯之尊而行是盛德之事何其辱也

舜水文集人名

四宮勘衛門

大和杏庵

中村玄貞

完翁

大串次郎左衛門

今井可汲

儒臣
名弘潤

既許序集。又作差銘。其人其事皆相類。可謂奇矣。夫義者。國家宗室。華山公者。皇朝大臣也。而舜水原係皆一匹夫也。正夫而受是尊號。何其榮也。

今者華山公之於原也。也。

明石源助

佐野回翁

矢野保菴

桐山知幾

岡崎昌純

大井田義行

原善良

今井小四郎 門人

清水三折

小宅生順

吉弘元常

中山風軒 名信正
諡恭子

藤井德昭

松平康兼

三木高之

平賀舟翁

佐藤彌四郎 門人云
名盛辰

安積彦六

小宅重治

野傳 字道設

田犀

板矩村

奥村庸禮

五十川剛伯 姓源字濟
之門人

奥村俊明 名德暉 藤田貞清

近藤定久

大村加卜

安藤親清

藤井茂英

赤林重政 字尊五

中村顧言

下川三省 門人字宗魯

三好安宅 門人

古^寺務本 清原季敬
典學齋

奥山玄建 立庵
玄微門人

辻達

野村重直

服部其衰

伊藤友次

島田守政

黒川正直

松平頼道

片岡秀光

作大夫

佐野利尚

白井伊信

清水仙菴

邀有醫師能書

學山録第四云関羽稱関帝始于明萬曆年中朱舜
水語小宅生煩曰関帝著靈明室神宗萬曆帝録武
安王晋爵崇隆至協天大帝

鶻突

○凡語録中徃々有鶻突之字蓋鶻者鷓屬飛颺無
定故言語無定不可把住者謂之鶻突此明朱舜水
之說

今関室雜録

水戸ニ来リシ朱舜水水死セシ時金三千兩アリテ中納殿へ
返シ献セラレシナリ世ニ在シ程毎事ニ費ナク家事ヲ約ニセシ
ヲ鄙吝ナルハ唐人ノ習也ト云シ者モアリキ朱氏ハ志有テカク
アリシナリイカニモシテ再本國ニ帰リテ義兵ヲ興シ時ノ料ニ

カリアリシトナリ哀ナルイシ常ニ申サレシハ本朝ノコトクニハ
ラテ唐山ハ黄金乏シケレハ我朝ノ黄金ヲ以テ彼國ニ用シハ
百陪ニモアタルトシト申サレシトシ舜水ノ世ニアリシホトハ清朝
ノ政事ニ缺ルトコロナカリシカハ時イニタイタラヌト思ヒ居ラ
レシナルトシ

右白石伸書

○乃有餘中出。百餘家之。...

朱之瑜。字魯璣。號舜水。諡文恭。明國浙江餘姚
人。避亂歸化。客于水府。

舜水家世官于明。父正字存之。號定寰。為總督漕運

軍門。早喪父。光祿大夫上柱國。舜水生明。萬曆二

十八年。早喪父。及漸長。從朱永祐。張肯堂。吳鍾巒

學。遂擢恩貢生。尋累徵不就。以故被劾。乃避之舟

山。而始來此邦。移交趾。復還舟山。是時國祚既蹙。

舜水知事不可為。將之安南。而風利不便。再來此

邦。而援兵不可得。其意素在得海外援兵以舉義

旗。乃三來此邦。而援兵不可得。去復至安南。欲尋

歸故國以察民情。時清既混壹四方。義不食其粟。四來此邦。終不復還。時萬治二年也。

至安南日。館人供張甚盛。舜水從容不撓。安南王召見。欲令拜。而長揖不屈。其人或以為不解事。至此。畫砂作一拜字以見之。舜水即加不字于其上。於是怒囚之。遂將殺。而守死自誓。王終感動。赦死。以喜其義烈。此事舜水自錄之。名安南供役紀事。

舜水冒難。而輾轉落魄者十數年。其來居此邦。初窮困不能支。柳河安東省菴。師事之。贈祿一半。久之。水戶義子。聘為賓師。寵待甚厚。歲致饒裕。然儉節。

自奉無所費。至人或詬笑其嗇也。遂儲三千餘金。臨終。盡納之水戶庫內。嘗謂曰。中國乏黃金。若用此于彼。一以當百矣。新井白石謂。舜水縮節積餘財。非苟而然矣。其意蓋在充舉義兵以圖恢復之用也。然時不至而終。可憫哉。

在彼與經略直浙兵部左侍郎王翊同志偕謀恢復。而王翊與清兵戰。敗而死。實八月十五日也。數年後。舜水聞之於邑。作文祭之。從是每歲中秋。必杜門謝客。抑鬱死。聊答曰。屏書曰。中秋為知友侍郎完節之日。慘逾柴市。烈倍文山。僕至其時。備懷傷。

感。終身遂廢此令節。

舜水鄉國居宅。及先塋。皆與王文成相近。與野節書云。但念先父母墳墓近城市。恐遭虜人殘毀。先祖及高曾墳。去城皆不能一里。蔭木脩拔。通邑所無。高曾墳。與陽明先生塋比隣。其樹木之美。堅不能及荒墟。虜人求大木造船。此必遭殘壞者。又答佐野回舜書云。王文成為僕里人。然燈相照。鳴鷄相聞。

舜水有二男一女。長大成。字集之。次大成字咸一。共殉節不事情。而先舜水卒。大成亦舉二男。曰毓仁。

曰毓德。延寶六年。毓仁慕舜水。而來長崎。義子遺今井弘濟。往通消息。然終不得與舜水相見而歸。

舜水不好作詩。與奧村庸禮書曰。吟詩作賦非學也。而

棄日廢時。必不可者也。空梁落燕泥。工則工矣。曾何益於治理。僧推月下門。覈名覈矣。曾何補於民事。雞聲茅店月。人跡板橋霜。新吟新矣。曾何當於事機。而且撚髭嘔心。儻或不能工緻。徒足供人指摘。又何益詩名。是以其集中不錄一首。然猶評李杜曰。李不如杜。李秀而杜老。李奇險而杜平淡。李用成仙等語。更不經煉丹等。殊不雅。不若杜家常茶飯有

味也。然不奇臭之極。造不得平淡。有意學平淡。使
水平煎豆腐湯矣。

或誦舜水詩。九列如瓦解。忠信苟偷生。受詔蒙塵際。晦
跡到東瀛。回天謀未就。長星夜。明。單身寄孤島。抱
節比田橫。已聞鼎命變。西望獨吞聲。又安瀟泊湖亭
涉。朱文恭遺事。舉在安南旅寓所賦詩一首。以為
滄海之遺珠。其詩云。治劇從容緩策銜。鈴軒無事日清
談。隼旟畫戟明千里。紙帳繩牀自一菴。金奏屢陳容
客和。玉山不動看賓酣。我來邂逅逢新政。忘却漂流
身在南。

舜水文集二十八卷。義之與世子共所編輯也。每卷署
名。冠以門人二字。安東省菴稱為公侯之尊。尊師如
此。真百世之美事。誠然。

湖亭涉筆曰。文恭酷愛櫻花。庭植數十株。每花開賞
之。謂覺等曰。使中國有之。當冠百花。迺知或者認
為海棠。可謂櫻花之厄。義公環植櫻樹於祠堂旁
側。存遺愛也。

舜水歸化歷年所。能倭語。然及其病革也。遂復鄉語。
則侍人不能了解。

大高芝山與鶴真昌書。並駁舜水與陳元斌。且舉獨

之言曰。元贊之瑜非面知。然曲得傳聞其實也。贊
是市井之販夫。瑜是南京之漆工。彼傳矣。暇為學。
又奚作詞章乎。安澹泊。與村篁溪泉竹軒書。辨之
曰。舜水元贊並稱。可謂不倫之甚。况又極口譏詆。何
物么麼。敢作如此鬼怪。此輩簸弄唇吻。原不足計校。
然使先君見之。必有一元當處置。惜乎其不及也。今
弑君一事。辨之。所引獨立之言。非誣則妄。獨立與先
生相知日久。何得言非面知。其跋安南供役紀事。真
蹟見在。稱先生之特操。不一而足。至云言奮氣爭錚
錚鐵石。今古上下。無其事。無其人。凜凜大節。可稱今古

第一義幟。此語何與前言相戾也。獨立雖披剝易行
之後。而其反覆。未必如此已甚。故曰非誣則妄。

安東守約。字魯默。初名守正。號省菴。筑後人。仕
柳河侯。

芝山謝何休二老書曰。陳
元贊在洛而襄相舍。朱
舜水在此而通面語。若
察厥行學術。疑弗端誠
純粹矣。多猥亵之態。
之彥士之姿。
詞賦亦似未
英懿。故不就而正
焉。先哲嘉談

明曆乙未。朱舜水來長崎。時人未及知其學。唯省菴

往師焉。時舜水貧甚。乃割祿之半贈之。至今稱為
一大高誼。其詳見舜水與孫男毓仁書中。曰。日本

禁留唐人已四十年。先年南京七船同住長崎十
九。富高連各具呈。懇留累次。俱不準。我故無意於
此。乃安東省菴。苦。懇留。轉展央人。故留駐在此。

是特為我一人開此厲禁也。既留之後。乃分半俸供給我省。菴薄俸二百石。實米八十石。去其半止四十石矣。每年兩次到嶠省我。一次費銀五十兩。二次共一百兩。首薦先生之俸盡於此矣。又土儀時物絡繹。差人送來。其自奉。敬衣糲飯菜羹而已。或時豐腴。則魚鰯數枚耳。家止一唐鍋。經時無物烹調。塵封鐵鑪。其宗親朋友咸共非笑之。諫沮之。省菴恬然不顧。惟日夜讀書樂道已爾。我今來此十五年。稍稍寄物表意。前後皆不受。過於矯激。我甚不樂。然不能改也。此等中原亦自少有。汝不知名義。亦當銘心刻骨。世

世不忘也。奈此間法度嚴。不能出境奉候。無可如何。若能作書懇懇相謝甚好。又恐汝不能也。

省菴初年學松。永尺五。尺五沒之後五年。見舜水託業。於是學益富。行益脩。伊藤東涯稱為閩西巨儒。彼邦張斐文。至長嶠。寄書及詩以褒賞。詩中云。曾聽聲名到若耶。是海外亦有聞也。

省菴年過四十未娶。舜水贈書以為勸孝道。四十三始置妾。妾居者五年而出。妾悲其離別。涕泣殆絕。省菴乃廢韓文公別鵠操韻。作慈鴉操詩云。雄鴉不營巢。雌鴉將安歸。雛死又有雛。義不當乖離。母子道之

大。其餘事之微。此別何足嗟。且有反哺傍母飛。妾生
二男子。長早夭。故有此作。
本集載扇銘序云

右先哲叢談

室鳩巢答堀正修書曰。恭靖先生在京時。酷愛韓文
無日不讀。每出輒以韓文自隨。及晚節東遷後。又愛
王守仁之文。常以其集置傍。有暇頻讀之。一日語
僕曰。舜水朱子甚敬守仁。得其文必改容稱嘆。

有日上

室師禮曰。朱之瑜云。東坡少時。文老泉常自枕中出書讀之。而你不使人見之。嘗老泉
出不在時。東坡竊覘之。則孟子也。此事諸書無所載。蓋彼私相傳也。日上

後樂園扁榜

丁未年六月二十日。承命擬上大泉水諸額。二十二
日將諸額並對聯一聯繳上。其時因出鎮倥偬。至今
未奉明諭。今再行錄上。惟祈選擇可者用之。其不當
者。即乞駁回。呂便更擬。祇此奉聞。
對聯今無覓
處覓得補上

一後樂園 苑門額 片玉石青字為佳。次者糝青。額

邊有祥雲捧日。有五彩八寶。有稜線彩漆。有一封書

等。惟白質片玉。最為樸素雅緻。范希文為宰相。其題

岳陽樓記曰。先天下之憂。後天下之樂。而樂。今此園

又在路寢之後。故曰後樂園。

一覓紅。思無有易之者。此額不用亦可。如欲易之別擬一額。

一尋芳。勝日尋芳泗水濱。無邊景況一時新。

一來芳。元詞有為尋春色來芳徑之句。

一卧龍。長橋偃波題曰卧龍。最善即事。最善用古。

易之必不能出其右。

一宛在。秦伯堂。舊辨才天。詩所謂伊人在水一方。迺游從之。宛在水中央。今此嶼在水中央。四面皆見而

中有秦伯堂。可望而不可即。故曰宛在。宛在者儼然

在也。大字鑿於石壁而朱漆之為妙。

一知依。新構草堂。其側有稻田及瓜蔬。書曰先

知稼穡之艱難。乃逸。則知小人之依。依者小民所恃

以為生者也。

一茶熟。茶房小額。小字茶熟香清。有客到來可喜。喜

也者。集思乎。廣益乎。曰廣忠益也。諸葛武侯為宰相。

集眾思廣忠益也。

一草堂。對聯。人君之德。莫大乎養民教民。仁君之政。莫大

乎養民教民。故因田畝而及稼穡。因稼穡而

及民。春省耕。秋省斂。先知稼穡之艱難。乃逸。意。舍在

入則孝。出則弟。故好秉彜之懿德。管子曰。衣食足而

後禮義生。孟子曰。民之有道也。飽食煖衣。逸居而無

禮義。此句之下。

教則近於禽獸。聖人有憂之。龜錯曰：饑寒並至，而能無為非者，寡矣。此等意在入孝出悌之先。

一人鑑劇書曰：人無呂水鑑，呂人鑑。蓋劇場賢愚

好醜，仁聖強梁，明良昏慝，成敗興亡，皆於斯乎在。使

人觀感而懲創，故曰人鑑。劇者戲劇也。日或曰則古。

然止說得好一邊，不若前額妍媸並見。

一得仁堂。舊夷齊堂，夷齊兄弟讓國，雖足呂廉頑

立懦，然幾微之間，不能無議。不若後賢形跡泯焉，盡

善盡美，心事如青天白日，而邦家為磐石之宗。易之

曰得仁，即夷齊身上事，而足呂明志。且意思包含似

大。

一不危亭。未其地高而廣，故曰不危。孝經曰：在上

不驕，高而不危，制節謹度，滿而不溢。高而不危，所以

長守貴，滿而不溢，所以長守貴。富富貴不離其身，然後

能保其社稷，而和其民人。蓋諸侯之孝，故曰不危亭。

一亭之式。四方兩面，有腰牆，有窗，前後兩面皆用

門。

一八角。蓋取八風八卦之意。四面四隅，四隅用腰牆

及窗，東西南北四面俱用門，四週或繚簷及迴廊，或

不用。然風大，非迴廊不堅固。頂用葫蘆頂及平頂。

一六角。然制度不甚雅。

一逢原橋。活水洞之橋。晦菴先生詩曰。問渠那得清如許。為有源頭活水來。孟子曰。君子深造之。召道欲其自得之也。自得之則居之安。居之安則資之深。資之深則取之左右逢其原。故曰逢原橋。逢迎也。遇也。

一小廬山。舊有記。為此間名士所作。如可用者。則仍其舊為妙。若不可用。當易一額。另作記序。易之。幸命書記作其文。指示之。
一總召堂。舊為玲瓏堂。此堂為節勞自適之所。于

觀于遊。則有荒寧之弊。言理言學。則涉板腐之嫌。故不為更之。曰總召堂。而不即景。後學知依人鑑。言志也。得仁不危。言行言德也。逢原言學也。總召堂。民懷也。餘者即事即景。亦非泛。

花押

有

有

二押均觀字。

有

常字多一。一字。然一者純而不雜。常者久而不已。文義亦自貫串。

呂上二者。祈
采而用之。

陽月十日

朱之瑜再拜

儼

有

其義為兩手下地。不可為
押。且姓所同也。名所獨也。
拜字人、所用。又有不可
施用之所。故為不便。

頁

先父諱正。未第時字存之。此似呂家諱
及字中存字為押。之瑜六七歲時。恃先
人之愛。繞膝而嬉。時或見之。是年冬。出

就外傳。八歲患痘及疹。終年不起。九歲。
慈父見背。故不能知。亦不能問也。即問
亦必不呂教。此特想像而云爾。

百

家兄名之琦。其第進士時名啓明。乃
自更名。非命名也。其押則用之琦二
字。

巧

之瑜押用賤字中璵字。左右二橫。高
下不等。隨時酌量。故非他人所能冒
為。

可

此係浙江方伯之押。筆意甚簡。無有能偽為

之者。浙江財賦之藪。猾胥善換押之神。惟此不能為。必其中自有開竅在也。

向時文移往來。花押不計其數。因不留心於此。一無所記。明朝之制。書簡中不花押。惟印印章取信耳。有要緊書。或於書尾親書數字。或草或行。

酒壚小序并詞

冬月朔日入朝。歷言故明天步。因及泉源。酒館新創。瀟灑出塵。敢請遊觀。目舒蘊結。遂同三木朝比。奈二世^士携手歡笑。先後後先。度長虹。憩別館。瞻瀑布。繞迴巒。遙望酒旗招颭。別有雅致。流連暢飲。足

為一日之樂。口占小詞一曲。聊當落成云爾。

望處旗亭新構。竹籬茅舍人家。引來曲徑有奇葩。鴻池諸白香茶。醉倒渾忘法地。波查辟易歌斜。歲暮也冬衣難典。酒錢且自賒賒。

右魏杜詩朝回日。典春衣。酒債尋常行處有。二句。只供一笑。

科貢舉 科

科者。子午卯酉為鄉試。辰戌丑未為會試。每三年一科。貢舉之院為場。唐則每年取進士。不在此例。飲器有二說。一曰飲酒之器。但觴觥孔竅多。形狀惡。

疑無漆死人之頭。呂為飲酒樂宴之理。况獻酬交錯乎。一曰搜溺之器。差為近之。蓋知伯恃其五賢之才。恣其不仁之性。倚勢陵人。人素惡之。或呂此為報復之計耳。

日本人好名。不務實學。大明人重時文。取功名富貴。不務實學。二者病則一般。不務實學。尚不能作文。何況躬行君子。大明重實學者。必能忘富貴利達而後為之。所居數萬儒之中一人而已。字起於名。號或因名。或因字。或呂志。或呂山川書院。無故而稱一號。作何解說。

妻兄曰舅。又曰郎舅。母之兄弟曰舅。妻之父曰舅。夫之父曰舅。父之兄曰伯父。弟曰叔父。又曰季父。伯叔父之子曰從兄弟。長為從兄。幼為從弟。從兄弟與族兄弟同。從者從堂也。父之子曰嫡兄弟。伯叔父之子曰從兄弟。伯叔祖父之孫曰再從兄弟。曾伯叔祖父之曾孫曰三從兄弟。從者殺於嫡之謂也。兄弟之子自稱曰侄。姪侄同。兄弟之子若女子。曰舍侄侄女。

文字稱謂

答中山備前守信治問

作文之體。於官高者。德劭者。則稱曰公。作文者官高。而其人官職稍卑。則稱曰君。此中原之例也。今日本

惟諸侯稱君稱公。而其餘皆不敢稱。然未有為文而呼人祖父之名者。

一漢唐天子亦呼其臣為公。


一家臣稱有地之大夫為公。

一仕於家者三世則君之二世則主之。


如此則大權現樣。尚稱大君矣。雖似僭。乃勢不得不然。文字中未有君樣字為尊稱者矣。且中原人亦自不解。

曲禮一段出小學三卷內狎字更習字恐誤解也。

銘旌圖



酒帘圖



青帘 音蓮 亦曰酒帘 呂木綿為之。無字。

廣終幅長參四尺



城中之酒



藍布

以絹作此

以絹作之

弓草為蒂貫於竹竿標於大樹之上曰酒望子。鄉村間用之。

弓上二物乃古來所有。

古辭多先生外集

瑞龍山らみ明製衣の墓あり是ハ舞乃先生朱之跡と云ひま
明季の三傳ありしハ二姓ハ化言とと恥く法の微命をう
け以本館へのわれありしと ありやうと法拓ありて此作
靴又伝き且ち先生をつけく經又又孝をそりせらひ進され
ハ今ハその遺牙あまたありく彰考傳ハ世ふらひ文字
みんこしく世理ハあきらからあまの おおよそ他方のそのと
及ふ極く十あると世舞ありハ和二系ハ身まかりと此
山の苔の下ハあまのせらと一も不可不議の縁ありか建山の例
ハありとのまの花ありと云
みんこしく

金銀の銀のくさしげな色海に下し七身自利の多お
指身と指の、毎橋くの恩とてし

一、羨をてししんての覃秋深の物不の皆の指の心も
のふれそいお紹興、千元成とて舞きの心も大文字
よく化醫とす子のあまよくはるのゆに、ぬれのはるは
つこの糸とて浮いた物ね、よのうき、なつて身まのね
の体とてし身するものさつりも、さるはな知てあしんは偽
醫のたよあしともしぬたよまおへた、入つてあえん、そん
えんのわが、さきのわが、よのわが、のわが、さるはな

おまねの日記

おまねの日記

